

沈觀齋詩

溫州府城內

沈觀齋詩

四冊

追

州

市

沈

沈

Faint bleed-through text from the reverse side of the page, including characters like '地仍千里', '主人元是客', and '國身之神如雲'.

溫州府 函 公 館

似方子通六世
曹茶山

用他人韻而能自道
乙亥年唯使君与孫耳

甲寅元日上海作

避地仍千里。周天又一春。主人元是客。舊曆轉翻新。近日

改用西曆民戶醉屠蘇酒。門圖鬱壘神。如雷腰鼓鬧。知

屬太平民。

日月覺開朗。能令人意歡。佩身劉卯玉。隨俗五辛盤。爆

竹同聲應。唐花帶笑看。將詩代春帖。著句總平安。

和樊山翁元旦韻

已落南華第二篇。李聃強說不為先。元日平旦機鋒早

即拜新詩

沈觀齋

示當頭棒遲鈍。應嗤上水船。互答楚人仍楚語。相逢寅月又寅年。一家讚歎同歡喜。新捧雲霞五色箋。

瓶梅二首

瓶居絕豔露猩紅。一笑龍蟠尺水中。未識畫師誰好手。憑將移寫入屏風。

冷蕊軒堂度歲闌。餘香猶得共春寒。喜神翻罷梅花譜。留取逋仙小影看。

滬上春詞十首

08135

十詩教百五
澠石湖五月沈

頻歲浮家近海濱。花枝綵勝過良辰。舊人指眼看新歷。
 知是軒轅第幾春。
 勝流三兩半斜簪。海上同為越鳥吟。魁結居夷由習慣。
 兒童今已變吳音。
 果脯千筵酒一甌。虬髯胡客解句留。西來本意同歡喜。
 醉跨黃驄去打球。
 紅樓聽罷玉人簫。絲轡銀鞍去馬驕。舊路龍華春寂寞。
 且探花事過斜橋。

沈觀齋

骨間一朵曼陀華。鬢髮彭彭祝似鴉。踏徧名園。隻單履。
更隨流水逐香車。

嫁衣裁罷鬪年新。蠟燕絲鵝樣逼真。癡絕小家兒女意。
出錢爭賽紫姑神。

儂家擲帽女投壺。曲巷宵聞五白呼。政恐街彈來逐客。
當場惱煞牧豬奴。

紙閣三間畫下簾。膏燈无盡海潮添。行窩此處稱安樂。
句引煙雲到黑甜。

聽字擬改作放字

日夕街頭動鼓鈺。華燈飛電九枝明。魚龍百戲須臾換。絕倒人間傀儡棚。

二叟樊園與泊園。翻新日日有詩篇。閒中拈出吳中事。博取芳時一飲顛。

和樊雲老正月二日見過韻

果茗邀迎此日同。居然荆楚歲時風。欵門有竹來高士。送客過溪笑遠公。徑草聽教隨意綠。庭梅差比去年紅。昏花病眼頻揩洗。怕入迷離五色中。

余方病目詩來有及

雲老疊韵次答

江上相憐病不同

君患齒痛

三災消盡是宗風。有山可買譏

巢父無筆書春贊。郭公雪絮難逢天下白。

自冬入春迄未得雪

緋衣喜著舊時紅

君常服紫衣

兼人才力無雙氣。收拾詩筒

茗椀中

初四日簡樊山竹勿

轉換年光一刹那。雞豬算日瞬經過。斜川風物須陶句。

下里陽春並郢歌。桃杏待時梅已老。衣冠異昔士加多。

懷抱可想

曾中萬卷古今有
筆下一點塵埃無
色齡語後實處說
此詩得之悟後皆心
得之言

曲肱看盡浮雲變。漫把前塵說夢婆。

泊園偶步

近市塵偏少。幽居擅一林。蔽空無惡木。得氣有春禽。天
與回旋地。詩傳古淡心。衰遲送日月。不是道根深。

讀蘇詩

詩必此詩非詩人。若非此詩豈逼真。行地已無驚絕跡。
後來空拜馬頭塵。
人日訪竹勿不遇

沈觀齋

先春三日出尋春。立春節在初十日在人日相逢幾故人。挑菜風

流成隔歲。去年人日君與小妻挑菜事予曾有句孤雲來往總閒身。娉娉

依舊茶能煮。邂逅無端跡已陳。費我芒鞋三徑滑。乞君

詩句草堂新。

閒編舊歲詩稿有句

窮年西抹更東塗。攪水難尋象罔珠。自謂家珍仍敝帚。
取供衆笑是癡符。叢殘未免多方累。拂拭何如一物無。
靜向黃梅參祖法。不成坡谷不江湖。

溫

體蘇黃去韓
杜美問履安
士身此類也

傷心語六仁人語

沈

乙盃散原過飯齋中即事賦呈

竹風埽屋塵。鈴語報客至。入戶得兩賢。有過百軒騎。嬾

慢筋脈緩。林中一張臂。坐榻面瓶花。呼飲取微醉。兒輩

跽進觴。雞黍存故意。相視吐至言。怪迂人驚異。斯文綴

一髮。謂可維天地。張頰獎後進。誰某有名字。吳越數二

生。蘇孫德謙樸學同氣類。冷炙富兒門。顛倒以儒戲。鷹

飽鳳皇飢。撫几再三噫。說士不去口。停筋忘肉味。海市

羈吾曹。過眼幾仙魅。不自恤。飄搖乃憐人。顛賴夙昔愛。

沈觀齋

才心併入憂時淚。客去我獨眠。古懷縈夢寐。

立春日感賦

當年幡勝簇千官。圖裏春牛進御看。徒隸一呼改朝市。

禮家紛議事郊壇。近方議祭天典禮花開北地空成憶。酒泛東

風與送寒。自下銅仙辭漢淚。每逢舊節輒汎瀾。

超社詩題方待商。略樊山翁詩已先成書。此貽同社諸

公

拈韵蘇龕十二人。濤園署所居曰蘇龕樊山先有筆生春。點蠅落

退

紙休成誤。索驥圖形。恐失真。老學未能勤。口耳色空差。
免墮根塵。他題請試。兒時味。花樣於今。屢變新。

立春日社集濤園齋中賦得何處生春早。效微之詩體。

何處生春早。春生歇浦邊。潮迎撐艇客。雨止試燈天。
電室飛車過。球場縱馬旋。柳條寒未綠。臨海望桑田。

何處生春早。春生海客園。樓臺先得地。花樹自為村。
步屨來魚貫。聽經雜鳥言。吟人殊好事。寫句遍麻源。

何處生春早。春生樓外樓。仙人遺世立。海樹極天浮。
磨

李較陶詩尤擊

何處生春早。春生處士廬。衣黏頰下雪。酒煖腹中書。壁
立花仍笑。樓明月最初。飢盤須底物。隨分有魚蔬。
何處生春早。春生吟社詩。玉壺誰買得。木筆欲開時。瘵
絮賡新唱。齋辛各妙詞。偶同長慶格。未敢薄微之。

立春後得雨東樊山

屋山雲暗鳥相呼。竹溜聲聲到坐隅。梅向人開憐已晚。
雨來春後勝於無。蜿蜒久戀三冬卧。霖霖能回萬物枯。
欲向松窗謀一醉。過牆乞與酒盈壺。

次韵樊山立春後雨

崇朝膏壤埒黃金。臺笠何妨共入林。桃洞看成流水地。
茅檐各滿望雲心。苦憂百草終何計。培養群花更乞陰。
不用微詞誇楚客。山頭疑雨到於今。

疊前韵和止相

滂沛從天勝雨金。頓蘇枯槁到山林。泥香草坼方生甲。
花褪梅空過去心。海市易迷三里霧。吟人先占一窗陰。
苔階屐響聞來客。把臂何論舊與今。

和樊山元夜韵

舉酒張燈本願奢。肯因齋飯博豪華。眼明照海三分月。
夢斷先天五萬花。佛塔一星懸寶炬。市場百戲化仙車。
粉牆紅燭哦詩處。莫誤脩書小宋家。

上元日同樊山往訪止相旋至乙盦齋中久談竹勿亦
至

現。晚試春聲。羈棲慕徒侶。海上望故侯。青門在何許。小
車穿燈市。塵消昨夜雨。寂寂相公門。巢燕新來乳。一篋

味美於回馬味

輕於平言才鋒

渾於道氣

陳賜書十笏量堂宇。霜髯起揖客。說詩有機杼。百家溷
龍魚。併入漁師罟。為念東軒翁。樓頭弄談麈。鑿空起書
城。孤巖中撐拄。入門徑登牀。忘形孰賓主。瓦盆兩梅株。
歌紅相媚嫵。別有懸鐘花。來自沈香浦。磬梅兄弟行。櫻
杏匪儕伍。平生腹陽秋。抑揚到花譜。左叟杜德機。胸竒
閱不吐。專氣故能柔。支離吾有取。舊人散若星。磊砢餘
三五。高枕夢黃唐。世間疇虎鼠。樓下如織人。不聞此中
語。

獨來獨往了
無和韻痕迹
體物淵亮妙
還自然

懸鐘花和樊山韵二首

花產粵東俗名吊鐘樊山改為

何來倒挂毛衣綠，恰似玫瑰淺笑紅。
隱秀黃蕉丹荔外，問名長樂未央中。
鉢羅華異尋常種，鐘律春生卅六宮。
玉樹瓊枝多少恨，浪傳詩句只吳楓。

蓮漏聲中芳意回，寺樓一杵曉頻催。
挂枝疑綴釘頭菌，同調先傳磬口梅。
幸免虛枵懸似瓠，那容傾倒覆如杯。

覆杯花名見群芳譜木魚禪板真堪伴，玉蕊鞋紅莫並開。

燕九日同樊山步至味純園，乙盦完巢亦至就觀金石

溫

書畫三首

仍歲滯黃浦。園遊無幾回。適然徒步出。非為咬春來。已
渴同煎茗。尋幽更索梅。明廊徵法物。斑駁隱雲雷。

晚歲長瓶老

常熟相國自號

書名霸九州。至今天下寶。爭向故

家收。俗士空釘壁。山僧解閉樓。劫餘遺墨少。無處覓銀
鈎。園中常熟書皆賡作

遊仙白雲觀。訪古海王村。舊夢何緣續。春心莫更論。餘
生猶笠屐。勝日此亭軒。歸徑誰家竹。來朝一款門。

正月十八日生子虎生口占

晚年生子慮不武。年月逢寅宜名虎。何時看汝飛食肉。
屈指吾今五十五。

雨晴同樊山乙盦壽平往徐園看梅花遲竹勿不至

宿雨新收天宇碧。暖風扇動尋花客。鳥求友聲人勸侶。
招手園林忙兩屐。廣庭羅致百家花。曲幹橫枝紛滿席。
檝株胡為在瓶盞。竒譎乃不名一格。萼綠窈窕雲鬟低。
朱衣飄揚汗面赤。一本相銜各生枯。兩枝歧出殊紫白。

退

望氣已足破荒寒。虹光渲染雪色壁。傾城與人作近玩。
取媚爭妍吁可惜。吾儕冷眼對幽花。覺有芳溫襲肝鬲。
前身應是羅浮仙。否亦孤山通氣脈。上清淪謫幾何時。
坐見海桑長尋尺。幸有殘梅共久要。不與衆芳同狼籍。
左叟何事逃空谷。失期應受梅譴責。科君何等我知之。
勒成千詩飲一石。

詩境

詩境日從何處生。早窗看雨暮窗晴。春禽解與人酬答。

隨意梅梢一兩聲

早春聞雷

蠢蠢物方動。虺虺雷已鳴。天胡歲積怒。人已懾先聲。鞭
策羣龍伏。萌芽百草生。端居守淵默。樓外雨縱橫。

再賦懸鐘花呈樊山

草木南方漏未收。別傳仙卉出羅浮。生涯斗水甘懸磬。
零落瓶花等綴旒。夜月玉繩垂繡戶。曉霜銅鉢共僧樓。
丹跗綠萼相銜處。箇箇金鈴恰並頭。

真義山得之咏
物尤難

和乙盦西園探梅同樊山作

飛轡如雲逐路塵。槐街安步幾閒人。朋簪偶作西園集。
野服來尋故國春。茗芋漸為傭保識。歌吟生恐燕鶯瞋。
相期擁腫成徒侶。老醜花枝一笑親。

鄧尉逋仙缺存問。來看窈窕一庭花。園林雪後留風格。
水竹堂前弄物華。別館琴絲移客坐。高樓笛韻渺天涯。
緩歸不怕石頭路。勃窣金隄趁日斜。

雨坐

腹聯二字而病在茲約二字者
改為橫琴吹笛似較渾成也

碣是蘇詩

瓶花落盡閉簾旌。索句空齋雨易成。銀竹排簷疑瀑下。
草鞋挂壁畏泥行。却於茶鼎翻湯際。更雜糟牀壓酒聲。
心入寥天方隱几。何人識我此時情。

苦雨

江南春雨動經旬。斗覺寒增一兩分。困我將詩消永日。
問天何意作翻雲。寒空鳥印無從覓。向夜雞啼忍更聞。
笑視厨煙升屋脊。夕餐猶得煮泥芹。

早晴

温

定後慧先虛白止
止讀此集以此意
求之

至其性情可
至其文字与
杜集夢李白
作異世同工

眼霧忽收盡。時病目新愈朝曦來座隅。游空生野馬。下食集
庭烏腐草仍能綠。高雲未可呼。門前塵轍少。煎水坐團
蒲。

夢蘇生

昔我西域還。君歸自三島。相逢黃歇浦。共話溟渤小。別
去劇息息。百一未傾倒。參辰遂東西。孤光各自皎。十年
無一書。天闊鴻雁杳。予實坐懶慢。非君忘情好。流離隴
水頭。時有夢魂繞。關西遼以東。首尾邊塵擾。松花江上

沈觀齋

獨到話

魚。敕。勒。山。下。草。造。物。百。戲。弄。展。轉。得。一。老。吾。鬣。長。及。尺。
君。髯。定。多。少。如。何。夢。中。顏。猶。是。當。年。姣。帝。城。憶。往。還。笨。
車。病。泥。潦。酤。酒。熟。衰。僮。輶。羹。謝。邱。嫂。春。風。靈。和。殿。爭。上。
龍。尾。道。宮。闕。今。何。年。舊。痕。倏。如。埽。俄。然。夢。見。君。淒。冷。傷。
懷。抱。

開篋檢得胡蘄老詩簡愴然有句

哀郢悲涼鬱古心。國中白雪有遺音。風流不見香山老。
一傳何人表醉吟。

溫

老映窗光作細書。漏痕釵股見工夫。即論揮翰猶無對。
河朔羞稱腦滿徒。

哀張擧之有序

商城張擧之兵備。孝謙與予同年進士。君最擅楷法。
群以狀頭擬之。及對策失句。讀不入前十卷。次年散
館。擢第一。居翰林久。無所發舒。戊戌春。京師開強學
會。君實尸之。為執政所忌。外出為知府。需次湖北。又
以戇直忤撫部某。去之北洋。應經濟特科試。列高等。

意深語沈
句壓詩陸
任

以道員仍往直隸一署通水道而歸於是皈心佛乘
結廬山中超然有出世之想矣君志意不常疊更世
變末由展其雄竒惜哉才足應時須而卒與舛馳不
自得而閔然以終也詩以悼之

楚豫綿羣山光黃劃壤地商城間二州人物由來異張
子命世賢蓄有龍川氣一鶚起寥空勢壓累百鷲鬼瑣
為世梟高才無顯位堂堂馬新息不供人軒輊生為一
丈夫能禁幾兒戲冷笑歸故山微睇西來意寸膚百癩

退

詩人無不深
於情者

瘠聊用補黥。削已自外一身。何知怵天墜。君誠厭流俗。
獨不我遐棄。書來未及答。烏乎從此逝。武昌追昔遊。買
魚常共醉。談深竹院雨。對瀉經天淚。孰復爾時言。似知
今日事。一蛻了悲歡。知君固無懟。吾生墮海塵。躑躅傷
氣類。哦詩不成聲。庭鳥紛來諍。

同竹勿過蘄老故居

腹痛橋公語。分張忽數句。踵門仍二客。跣履復何人。遺
稿蠅頭字。空牀鼠跡塵。擎茶憐舊僕。慘淡向賓親。

此亦宛陵體

聞姑惡

有鳥聲聲叫姑惡。村媪傳是人精魄。生前作婦碎此身。死後哀鳴動寥廓。一鳴白日沈虞淵。再鳴千山雷雨作。呼晴喚雨鳥之常。此鳥獨悲衆鳥樂。入門誰家新嫁女。耳觸餘音猶膽落。坳塘草青毛羽低。朝暮苦訴恩情薄。烏乎恩薄兮可奈何。已化為禽兮安用啁啾言語多。

晚興

海雲樓閣乍晴陰。遠草含烟綠未深。西日頽時天薄醉。

東風動處我孤吟。籬花半斃方生氣。園甕猶存一溉心。
自揀牀書和硯墨。淮南差可說山林。

春郊獨遊

暖氣柔筋骨。夷塗得安步。意適腰足忘。不知所行處。柳
稊杏未坼。短牆誰家樹。舊識賣花翁。老圃曾著句。壁垂
忍冬花。簷挂隔年瓠。乳狗齧人衣。村媪言姁姁。止舍稍
遷延。夕陽在前路。廣術不逢人。野塘翹一鷺。初魄曲如
鉤。漸向天西露。無事孰如我。蕭寥伴烏兔。適野何所謀。

沈觀齋

孤行了無怖。暮歸視樓燈。照我雙雙屨。

尋春復出

牆杏漸舒萼。得春誰與先。頻經行樂地。略費買花錢。斜
照殷紅樹。微陰淡墨天。於中還著我。畫筆可能傳。

睡起偶成二絕

若醉若醒見酒功。不寒不暖是花風。春來瓶凍都消釋。
恰有吳霜落鏡中。

竹扉長掩砌生苔。未到花時少客來。樓外雨聲初睡起。

不獨以梅
似与黃近

隔鄰一樹辛夷開。

涉園見杏

春花無揀擇。世眼儘同觀。何與詩人事。相遭特地歡。裴
裒留履迹。斌媚入毫端。護惜初胎日。精神恐不完。

乙盦墜車不傷詩以相慶效宛陵體

望羊何用驚。巨險生平地。人駕亦云安。於垤每顛躓。畸
人骨節同。犯害與衆異。曾無左股夷。靡虞腰脚痺。神全
信有之。公豈真大醉。蒼天抑黃天。用儒為弄戲。箕簸無

時停高下在其意。猝臨無故加。欲以覘造次。所幸禪力
定。歲六野干避。撇淖雖小苦。在泥曾不恚。隱几據槁梧。
歡然接朋類。但恐懲前轍。蒲輪未可致。
鼠齧書

殘籍無由救。腹枵雨昏燈。暗鼠彌驕。廓清我屋。當何日。
速致都官五白貓。

花朝日完。巢招集夷。俶新居。

舊歲花生吟社立。上方仙去宮花泣。今年詩事數番風。

退

月泉徒侶翩然集。故家烏衣在何所。草綠王孫歸未得。
茲辰邀我飲東家。處士門闌動喜色。屋漏中人來于于。
泥浣青鞋雨沾笠。東野移家少家具。案頭堆垛新篇什。
壁懸書畫雜岑贇。樊山沈濤園。兩幅最奇特。妙取姿
勢得古勁。用法不妨如東溼。傳觀社稿各微吟。耳邊已
有蟲聲入。或向明堂曳珮琚。或從幽徑披草棘。或如餐
菊呷甘芳。或如食攬咀苦踈。主客衆作有滋味。肯隨旁
人啜餘汁。文章小技且置之。有酒可供長鯨吸。瓦鼎絡

句
有
味

繹送厨珍。釘盤橙橘香噴溢。鮓魚一器尤雋味。不齒王
鮪與烏賊。朋歡暫足慰飄零。羈旅終然戀鄉邑。語及先
壟共嗟吁。更問何日是寒食。我有舊廬在漢沔。春艎欲
沂江流急。海上鷗盟幸未寒。中原牛耳今誰執。越日聽
打樊園鐘。定有金聲出鄰壁。十五日樊山為詩鐘會

和樊山自嘲韵

往還常把竹林臂。相賞為鄰清麗詞。溼雨乾風春過半。
儒衣僧粥老來宜。文為樂事何云苦。少博狂名亦勝癡。

世蓋故樊山體
如此樊山不能引

此心黃體然
形而不澀

羣飲不歡須獨酌籬邊木筆正開時

來詩有閉門往往
辭羣飲句

學樊山自嘲索和

一盞吳粳一草廬更無不足豈求餘故袍
棋色和茶色

短卷朱書間墨書靜焚鑪香窺篆籀勤澆硯水活蟾蜍

人間萬事多於髮吾首如蓬亦懶梳

和樊山疊前韵即事遣懷却贈

時於竹屋得佳趣亦有疏寮抒妙詞龜手傳家泚泚老

蛾眉傾國笑顰宜高文何綺兼工速細字如蠅不凍癡

沈觀齋

此則似范陸矣

欲共夜堂參祖法。應嗤吞象有螺師。
閒身棲託總蘆曲。几團蒲適有餘。卷轍濺泥朝謝客。
樓鐙達旦夜觀書。培風久倦垂天翼。望月空將取水蛛。
文武衣冠今向盡。斷翎孔雀不須梳。

偶憶半山失却新年一半春。句感而成詠。

失却新年一半春。雲陰如幕雨如塵。桃杏續開仍舊歲。
風波無定惱天民。嬋媛未免遭娵訾。忍辱何嘗見佛瞋。
大藥黃金求不得。海山猶自望三神。

退

樊山反半山詩意索和依韵奉答

無定陰晴判斷春。繞聽夜雨又朝暾。蘭芽甫茁猶黏土。

燕子來遲恰到門。待客徑旁時翦草。忘憂堂後自生萱。

詩家甲子隨宜改。新歷如今不紀元。

來詩云擬把花朝作上元

和樊山再疊梳韵

淨瓶花水儼僧盧。故國春光亦夢餘。鹽米漸親鱗雜事。

巾箱愛讀手鈔書。聲喧頗厭門前雀。目翳難消月裏蛛。

赤近久患一雨青蕪連巷陌。如絲草長待爬梳。

鼻煙以不宜對
頭字

泊園遣興示雲老

畸零詩句每傳誇。飽墨濃塗似老鴉。
飲鼻以煙酣過酒。觀心月作情懶看
埋頭作字眩生花。小樓樓市慙真隱。
日手丹黃號雜家。桃杏春來如有約。
雨中籬落看朝霞。

和樊山再疊萱字韻

著句談奇要展春。海雲徐捲露金墩。
燕來筍束初登市。犬吠桃花自掩門。
留客更謀多種竹。養生何可日無萱。
詩人莫漫輕言語。恐把茶甌窘士元。

樊山詩來極道佛蘭西公園樓閣之美次答

飛費鈎帶儼神工。咫尺金繩路許通。於碧樹中時漏月。

少青山處自為峰。無上海風高屋頂安靈鷲。雨過橋身卧

彩虹。彌望遙空多蜃氣。清都絳闕可能逢。

小園

小園歲閱春來去。天與良翁管物華。徑窄計惟刪惡竹。
籬疏常自補新花。穿林衣冒玫瑰刺。出土簪抽芍藥芽。
仰視切雲森寶閣。莊嚴不稱野人家。

雨晴尋春

閉閣三日雨如麻。簾開忽見牆西霞。春禽綿蠻作吳語。
催我去看前園花。前園種花故不多。政爾花開能幾何。
虛廊步屨心語口。青竹迎笑一兩窠。竹外緋桃燕支色。
微醉東風為轉側。樹下百繞花不知。欄邊小立晴難得。
我非惜花惜此日。回視殷紅隻木筆。

和樊山新居韵

日日門前人載酒。誰云寂寞子雲居。小園花石今私有。

此等詩真不
易作

深巷簞瓢益晏如。斬草重將開汝社。結茅何必定匡廬。
去天尺五三層閣。塞滿先生舊著書。

梁節盦齋中社集觀全謝山先生畫象

相士若以貌。易來舉肥訕。獨有鑑古人。對之可與觀。把
筆畫聖哲。湘鄉造其端。繼起稱好事。南海葉行蘭。斷代
求典型。網羅康雍乾。名聲半厨俊。文采光屬聯。惜哉儒
林丈。漏不及謝山。謝山學廣博。深寧東發間。表微張節
義。桑海意纏綿。梁髯起百世。一影破屋懸。眉宇益春靄。

沈觀齋

何減至物考

茫

野衣頭不冠。質亡蓋已久。生氣終古完。丈室集吾輩。風
雨聲淒然。不謂今日眼。得覩盛時賢。東望鮎埼亭。蜃霧
青湯湯。矢心炳燭學。抱守缺與殘。手書拜遺象。萬本從
摹鑄。請髯配東塾。勿忘薪火傳。

上巳日子脩前輩同其子烟齋侍讀置酒樊山新居看

碧桃花

去年題襟西摩路。手攀紅杏覓新句。蘭渚相續為禊飲。
曲水一篇有詩序。間吟漸被人題品。數會坐閱春來去。

温

樊山一歲居再遷。所居有園有竹樹。買宅今始作主人。
失喜舊花發新處。補松老人携酒來。迎面緋桃紅帶露。
隱牆霞色明數堵。隔簾珠光照十步。初從炫爛識歸根。
庶免飄零隨飛絮。坐中多是未歸人。歲與春花共流寓。
元都舊遊委葵麥。武陵孤棹迷煙霧。相將把臂呼麴生。
草堂新詩可同賦。闢地數弓暫盤桓。見花一萼猶愛護。
此後桃開幾千年。來看此日為初度。主人自謂性同花。
信筆嘲戲有竒趣。詩盟不寒酒不空。畫已開厨書築庫。

後句名篇
中會至理

竹屋風雨曲肱吟。泥痕已滿門外屨。陽羨各來訪蘇仙。
履道真宜居。白傅蕭寥不是槁木菴。合以桃花為榜署。
泊園移種花樹成。行有賦。

假山可為池。可築名節難求是林木。豫章有待十年成。
桑穀不合生一宿。吳下園丁巧有道。能招擁腫致卷曲。
桂樹^侯隻株解留人。辛夷一丈紅過屋。老梅宿士不易攀。
天桃^侯列侍弄粉綠。小園向來花石少。快覩連抱橫車軸。
亦知凡物忌速成。聊假青蔥慰髮禿。發篋尚有齊民書。

溫

後快為日陸

所不能列

新島

閒日持向松陰讀

和樊山泊園看花韵

孌娜新紅發故枝年芳未晚悵來遲記從栗里人歸後
幾過桃花飯熟時楚客誅茆猶有宅松江賞雨可無詩
春寒勒住緋和紫泥飲拚為十日期

雨夜

幽咽春聲不可聽虛堂人散酒初醒閉門已綠空階草
卷幔偏明溼地星笑共兒嬉歲餅果略如僧味守巾瓶

沈觀齋

磨音作醫

小詩鍛就荒雞唱。海月如眉獨自青。

清明日書感

馬磨與夏畦。各各戀邱墓。况我為士人。豈不懷鄉樹。國
破盜滿山。坐此成愆誤。事過有百慙。無涯仍後顧。童年
記上冢。每隨諸兄步。南岡到北垞。踏遍泥滑路。野風薄
板船。松石湖邊渡。中間挂朝籍。過家有三度。墓棘並埽
除。窟穴無狐兔。如何今變衰。吾土亦非故。海曲弔形影。
先靈知何處。久雨飽江潮。添我淚如注。

退

和樊山清明日同過乙盦韻二首

清吟已過禁煙時。句索羊何共和之。能與足忘獲不借。
解憐牙缺一來其。衆中茗芋疑仙侶。寒裏梨花稱雪詩。
更有元談通秘鑰。鹿盧旋轉少人知。乙盦頗談名理

別開幽室養黃芽。對客初無酒可賒。月樣煎成吳市餅。
風聲聽煮越溪茶。浮雲世事胸何芥。細字詩篇眼不花。
穀雨清明斷霜雪。楚詠云清明斷雪穀雨斷霜忍寒偏得體中佳。

答樊山再簡之作却贈

沈觀齋

往淡書

頭安守深
平中詩興

一介茶人一桁簾。清言雋永似晶鹽。成書五筆歲山富。
垂橐千金飲水廉。老學並時曾有幾。長才數子抑能兼。
禮堂各寫傳家集。都是黃巾亂後添。樊山自號茶人

樊山自泊園。蹋月歸。戲用贈乙盦韵。見寄次答。

瓜田瀟灑東陵侯。麻鞋繫脚中。裹頭與我相隔牛鳴地。
旦來暮往無時休。踏月詩來昏睛洗。百琲珠璣明繭紙。
老坡嬉笑偶成文。義熙甲子猶堪紀。詩中八九皆言花。
花開指謂秦人家。桃源荒唐退之詆。誰識真耶抑妄耶。

退

仙怪借抒無聊氣。食蛤那用知許事。童子篆刻老能為。
棘猴削成逐無對。彌明不解世間書。石鼎聯吟字字珠。
龍頭豕腹恣竒詭。似此酣嬉平生無。尺布可縫絲可質。
齷齪婁人獲暴富。槃槃祇有樊山翁。如賈多錢舞長袖。
裁雲鏤月盖有神。花蕊隨時俱斬新。重瞳拔山具大力。
乙盦謂叱咤辟易千萬人。詰朝還請與君戲。幾篇急就
樊山語。搜竒字。投我金錯報。未能自視。故帚真當棄。

答雲老贈韻

沈觀齋

飛鴻標遠音

馬存

海天寥廓共鴻冥。一舉真如腹毳輕。遠道春糧無宿備。故人緘札戒虛聲。呻吟漆室終何念。偃蹇青山似不情。聞說蒲輪動空谷。餘生應得覩河清。

三月二十六日出遊徐家匯旋往西園看杜鵑花
吳綿久不却春寒殊未央。駕言適西郭。野風吹面涼。菜
花接千畦。鋪地金片黃。陂麥青覆雉。豆筴如耳長。彌望
聚衆綠。映我鬚眉蒼。誰家好園亭。客來洗茶鐺。百本望
帝花的。樂在此堂。何年儲淚血。與世作紅芳。偏反各異

溫

別子塔院

態。搖。漾。窗。日。光。此。種。海。島。來。非。出。魚。鳧。鄉。蜀。魄。化。為。花。
譜。錄。不。能。詳。問。名。轉。躑。躅。屑。涕。沾。衣。裳。

初夏泊園宴客

及。時。櫻。筍。至。婪。尾。一。銜。杯。猛。雨。收。春。去。殘。花。待。客。來。隨。
宜。安。履。屐。淺。笑。對。梅。槐。斷。路。青。青。草。端。為。二。仲。開。

涉園漫興

園。草。積。故。綠。籬。花。墮。稠。紅。尾。春。去。可。惜。後。日。來。無。窮。至。
人。觀。物。化。常。以。寂。寞。中。海。雨。連。三。朝。蜃。氣。侵。簾。櫳。屋。角。

沈觀齋

露微霽。漸喧蝶與蜂。翩翩弄百態。尋逐忽西東。嬉晴取
一適。豈計來朝風。獨速舞未能。仰看雲過空。

即景二首

委地落紅門未開。多時履跡印蒼苔。盆池雨過浮漚聚。
却引魚兒作隊來。

何限平居故國思。石欄幽處揀花枝。吳中又見初生筍。
謝豹啼聲似舊時。

落花四首和樊山韵

仁先竹勿先有此作予亦同賦

四詩后山作面義

山作亭不知此為

北宋佳構可謂

源在西北初祖也

客去花飛剩有詩。千春夢雨故然疑。返魂方士終何術。
生別靈均祇益悲。蠟炬易明殘月夜。縷衣空惜少年時。
泥塗浣盡燕支雪。回向猩屏看折枝。
孤生愁雨復愁風。窈窕人天有怨紅。弱草棲塵經小劫。
名花傾國記初逢。無情流水同歸去。隔世繁華一夢中。
巨勝滿溪羊作隊。仙源詰曲杳難窮。
錦帳朱幡任客為。護花終竟失花期。草連廢苑蛙聲怒。
泥落空梁燕語癡。欣戚無端隨物轉。榮枯未必定天知。

沈觀齋

零香墜粉閒收得。吟過江南梅熟時。
東華塵軟憶曾經。西內沈香舊有亭。夜燭海棠顏易褪。
曉風池柳酒初醒。好春受謝鶯時晚。落霰交飛助涕零。
海曲別留生活地。長年花樹向人青。
睡起
酴醾冒壁竹枝蕃。屋舍蕭然已似村。宿雨初收人睡起。
蟻馱花片過籬門。
過竹勿寓齋有贈

溫

妙在真

廣衢安步不須筇。陋巷經時有過從。卅載冷交磁石鐵。
千年同氣茯苓松。戒門已自辭殘客。沒世相期作老農。
夢澤披雲堪笠釣。更將何物芥吾胸。

乙盦餉嘉興張園茶并以詩來次韵答謝

喬雲為發故山箴。小注風爐蟹眼湯。桑苧鄉人經早讀。
陸羽予同邑人薑鹽坡老味難忘。本來龍井根源異。別帶鴛湖
水氣香。實理茗柯誰識得。漫將羊酪與評量。

春歸一首

沈觀齋

意之所至筆能到

之是為草涕且至

此等詩畫且

蘇美

春歸辭萬木。慘綠彌諸天。籬落幾殘花。半作蕉萃顏。幽
人苦惜春。春去不自憐。蕭寥坐小閣。夢境紛來前。作詩
張夏景。豈若花時妍。苔徑引幽步。尺地空回旋。甕水新
荷茁。紫葉大如錢。裊裊挂樹絲。同此寸意綿。東皇不我
即。三山何處仙。

連日腹疾甚憊。書以自遣。

梅節例陰雨。天暗人不舒。呼吸海霧中。有似吹沫魚。夜
分忽暴下。委頓連朝晡。奔豚中胸胛。積痞瀉無餘。精氣

可作參同悟真看

不自攝敢云麤穢除家人進藥糜問有山鞠無去疾用
猛攻潰決滋可虞憑仗草木靈雞雍空連車要須慎韉
閉守靜還清虛庶嚴齋室禁并捲高閣書新故一吐納
旋轉如鹿盧却從小創後獲此喘息蘇對鏡略瘦損不
待丸蘆茹

題錢警石先生冷齋勘書圖三首

廿年前讀甘泉稿浙學低心禮大師日割脩羊供紙筆
著書人是道咸時

沈觀齋

六
牆壁詩書亂後看。故家文物亦灰寒。學舍如舟今不得。
一
一。檀。翻。羨。廣。文。官。

禮堂遺稿費編排。博雅無慙十駕齋。驚歎黃巾雲擾後。
傳家猶見小同來。先生之孫冲甫部郎持卷索題

入都書懷

輕拋海上閒吟事。更逐人間跋跋塵。呵佛糊塗千五百。
望仙知隔幾由旬。騎驢漫漢猶能識。化鶴令威是否真。
難會道人出山意。一餐一宿本非貧。

溫

清世之德不

在貌似也

寓居張潛若宅中齋前有老槐二株百年前物也日夕
納涼其下遂爾成詠

兩槐森向人。坐閱世代長。婆娑送日月。海田今幾桑。餘
此半畝陰。清簟夏日涼。時俗貴薄媚。兀爾何其蒼。與樹
論年輩。當我大父行。附身綴醜瘤。流液如脂肪。蠹蝕心
已空。虬蟬撼不僵。老氣致雷雨。清風生坐旁。中有白鬚
翁。蹲踞一胡牀。擁鼻作微詠。草際鳴寒螿。樹知我誰何。
亦豈解詩章。我自戀美蔭。看月轉西廊。

涉筆成趣

盆竹 潛若案頭有此日本園工作也

蹙縮見龍性。翦裁帶霜雪。嬰無六尺長。乃過首陽節。

夜涼

苦熱與身鬪。清風為解紛。自移臨水榻。仰視過空雲。螢
火低能撲。蟲冰語不聞。夢中存殿閣。諷詠到南薰。

讀徐致齋相國詩稿題後

涑水詩質實。廬陵詩和雅。彼皆命世賢。立言無苟且。嶽
嶽東海相。位業儼歐馬。志欲彌天闕。手自支危廈。到今

人尊周功豈微管。下作詩乃餘事。非以詩鳴者。島居息
搏扶一間聊可假。稿帙積遂多。銀銅一鑪冶。持卷授我
讀。清飆來盛夏。宴人獲金寶。跽拜佛施舍。蟻鼻玉無缺。
驪領珠可把。嗟予苦吟癖。有名挂汶社。揚子恥繡鞶。莊
生嗟累瓦。妄持先後進。刻意較文野。笙磬倘許同。流風
仍獨寫。

木槿

媽紅幾本寄籬花。粉靨頰顏不解遮。一日自開還自落。

沈觀齋

勞將老眼看朝華

至翰林院舊署

今改平政院

高寒宜著舊詩癯。庭院陰森半竹梧。寓直淒涼同騎省。
重來風物認元都。穿簾子母歸飛燕。滿屋賓僚下食烏。
黯淡黃金留署榜。有人知是御書無。

遊署後園

手無筇杖頭不帽。一吏從之一吏導。健步自誇捷如猿。
昔年曾蹋龍尾道。清秘堂深石徑迴。虛亭悄立聞蟬噪。

一起一結乃如此
樊山後跋

退

新篁似喜舊人來。磬折當風作微笑。廢池水涸荷不開。
泥濁日看蛙黽鬧。大羅仙人在何許。禿鬢詩翁乃重到。
回身更向茶瓶廳。意在其中有伏豹。署左為肅政廳

六月七日同盧慎之郭嘯盧楊玉書王晦如閻慶皆十
刹海看荷花

千年淨業湖。湖水綠於藍。前有西涯宅。後有梧門龕。南
皮昔來遊。賢主留一酣。橋東賦詩處。綠柳仍毵毵。風中
萬柄荷。紅妝倚鏡奩。士女騁姿媚。屢停樓下驂。衰翁亦

好事求友得兩三。沿湖看落日。目盡西山嵐。頗意少年
時。始著朝士衫。北都富名勝。徃徃恣幽探。獲松訪慈仁。
萬柳尋城南。無量淨業花。尤予性所耽。朝玩及日晡。蓮
實携滿籃。遠香銀錠橋。念之有餘甘。海水茲已淺。湖路
猶能諳。何限綺羅人。冷笑霜雪髯。隔岸張老室。每聞過
客談。張文襄公故宅
在湖之南岸安得就菰中。為我留茅菴。

晨出西直門遊三貝子園

園今改農事試驗場

城樓丹霞明如綺。西郊大道接龍尾。甲第不數八家王。

海孫槐入嘉山

名園猶傳三貝子。一園囊括衆邱壑。帶郭繚垣有十里。其中葦蕩間荷塘。水石清過藍田莊。一重一掩見樓閣。萬綠齊擁幽風堂。東有靈囿百怪藏。獅子巨象一角羊。睢盱頗雜鹿與麋。鸚鵡鳩啁晰鸞鶴翔。炎荒駝鳥服車箱。亦有孔翠矜文章。狐鼠瑣細安能詳。迤西水木最明瑟。養花別自開溫室。自在莊前稼如雲。百果未殷齊結實。菜畦鱗次區瓜芋。樂園滋培到苓朮。當年帝子飛蓋遊。豈意今講齊民術。惆悵暢觀樓下路。曾是六龍巡幸。

沈觀齋

樂府詩意祗祈

渾切誇出婉焉

巨手作不所不能

既 蘇 詞 饒 為 之

處金牀玉几委蛛塵卷幔西山尚如故我來一步一咨
嗟楊柳曉風吹帽斜園外不斷流水車園中種有成田
花畫船簫鼓不知返池館那問今誰家

立秋後苦熱示潛若

子方年盛意如水我迫衰時困鬱蒸仰屋同為箕踞客
對牀枯坐袒肩僧山林故有閒相待面目終疑老可憎
乞與天公念餘喘涼颿急為掃秋蠅

遣懷

溫

校東坡試院詩
似馬一善

吊喪請客何多事。一受時羈自脫難。直道不行投鼠噐。
浮生可笑沐猴冠。出山莫更論清濁。墜地猶思守缺殘。
窗竹似明蕭瑟意。向人鮮碧弄檀欒。

詳定縣知事試卷有作示同事諸公

作官重文衡。斯語聞者舊。變本罷制科。儒衣輕孝秀。鎖
院廈萬間。荒蕪成馬廐。評漫千金技。失時久不售。民病
要牧。島才難取薪。楨多收識字人。或可一方救。居然還
漢法。試史九千籀。析律剖豪芒。獵詞工飭餽。貴在知古

沈觀齋

韓子蒼

今不惟巧心鬪明窗。指老眼題品防其謬。三歎賞竒瓌。
十反勞違覆。吾好甚緇衣。疇敢薄墨綬。起家非牧令。每
念常心疚。高位不濟物。朱紫亦贅瘤。少日走軒輶。嶺南
逮山右。說士故能甘。論文抑已陋。及今網賢良。庶補前
缺漏。門外立鵠人。堂堂誰領袖。

涼夜

禿鬢修髯何許人。壁燈明暗影隨身。非仙已自經千劫。
聞道知猶隔幾塵。夜靜忽驚飛雨過。秋涼還與故袍親。

魯齋學派遺山史。世俗流傳恐不倫。

答張珍五前輩和韻

行輩蕭寥幾舊人。清秋蝸甲蛻餘身。愁從故鏡看顏色。
相對枯桑話海塵。蟲語可能知客感。蠹乾仍自與書親。
萬牛筆力輸張耒。餘事猶堪冠等倫。

再答珍老次韻

波流等是未歸人。澹蕩雲浮視此身。冷院煎茶成小聚。
中天看月渺前塵。鳳麟每向衰時見。僮僕都於亂後親。

回首可憐宣室事。忍將才調說無倫。

院中戲書二首

鈴下喜無駟卒喧。囊中剩有兔園篇。平生結鞵張廷尉。
却被人呼作老先。近官吏通稱以先生

蓬戶何來金屈戌。竹窗孤對碧檀欒。思量罪過無他事。
時把新詩付寫官。

諸公垂和鄙作迭出名篇奉誨一首

選佛同場一段奇。宛然白戰聚星時。本來曹鄴無譏爾。

世典生用或典注
用者世心此世也英

豈謂羊何共和之射覆功名蛇有足滿家文字豹留皮
求聲喜得嚶鳴侶短卷編成試院詩

謝見和前韵

百變魚龍見怪奇高文真可壯當時杜老歎嗟惟白也
樂天酬唱愛微之江湖分作垂竿手篋篋仍收敗鼓皮
安得南豐香一瓣恐人私恨不能詩

和梁衆異病中呈張珍老韵

祖衣何日付南能梁為張弟子海嶠名流看躍騰枯坐肯來

沈觀齋

同茗椀微吟重與續秋燈。意存芳潔難諧俗。語過清寒
恐似僧。病後東陽憐瘦損。早涼杯勺可能勝。

和張珍老將撤闌雨中感賦韵

九方意外得驪黃。眼底才多費斗量。秋雨同龕對彌勒。
舊人將曲譜伊涼。蟲沙未可論前事。魚我於今定兩忘。
錯過槐花好時節。畫簾銀燭為詩忙。

試畢別同事諸公

脫葉辭枝。收雨變涼。燕鴻來去竟何方。更無關節龍圖。

退

閣與共秋吟鳳味堂。靜裏聞樾禪漸定。人間炊黍夢猶
長。群公各擅登高賦。準備黃花一舉觴。

衆異見和留別韵次答

久塵殘暑得清涼。守靜捐除補養方。夢想古人徒踽踽。
眼中吾子最堂堂。燕環多事論肥瘦。鳧鶴隨天各短長。
聞道葳山有新句。他時容我過謨觴。

為趙芝山方伯題其夫人遺象

空將有限逐無涯。法喜何因共一家。歷劫愛緣消不得。

畫成天女與拈花。

暫閒

百日疲官事。暫閒知味長。窗晴明竹。雨過得樨香。謝
客成清坐。吟秋有斷章。疏林墮蜩甲。風葉已微黃。

壽郭春榆侍郎六十

至人蕭散脫天矜。晚節浮沈浮付濁醪。書說待搜秦博
士。禮官猶重漢卿曹。橘奴封殖無千樹。鶴子蜚聲向九
皋。宮闕何年同對月。青穹未改舊時高。

題徐鞠人相國所刻雪岑殘稿三首

雪岑殘稿北平俞燾作也燾性寡諧

獨深契鞠相與為忘年交今輯其遺稿梓焉

兀然趙北老儒生。饑走寒吟有不平。謝去侯門甘瓠落。

塵埃相賞黑頭卿。

一帙流傳片羽稀。無人解與織弓衣。牛毛細字窮東野。

憑仗韓公為表微。

彼黍王風惜至今。咸同詩客久煙沈。篋書開視餘清淚。

何限漁洋感舊心。

沈觀齋

中秋雨

眼前難料是陰晴。薦地驚雷送雨聲。遙夜佳期多謬誤。
彌天秋意益崢嶸。潭潭客苦妨行樂。耿耿天終靳小
樓外風來人不覺。時飄墮葉打簾旌。

約與潛若注東中秋出遊因雨不果有賦

南河泡子天寧塔。疇昔經過幾履痕。故意惟應寒水識。
竒懷欲與古松言。在官不樂謀遊事。一飲難期有數存。
未必嬋娟終引避。高寒宮闕待重論。

淡而弥永

王晦如病足久不出以詩見貽賦答

足音寥聞砌生苔。投我新篇勝莫哀。料是重趼疲墨翟。
敢將彼兀笑王駘。前塵既埽秋林葉。後約同尋雪徑梅。
有待詠花覓佳句。不妨杖策且徐來。

秋意

露已成霜雨又風。幾枝花發雁來紅。無人與說悲秋意。
叉手荒園暮靄中。

王仲午自棗陽以詩見寄奉酬一首

沈觀齋

白雲自悅不堪贈。千里故人詩代書。劫後天龍談祖法。
山中雞犬悵秦餘。朋交向半向離群。老村落應驚再過。
墟。聞道牆東遭寇掠。南雷遺札定何如。
如狼匪頻擾東陽不審仲午所歲

黃梨洲書

無恙否

蔡燕生侍御見示戲書洋文賣畫榜絕句次答

手將癡絕虎頭畫。眼飽西來玉面錢。收穫祇今須鹵莽。
笑人空劇海桑田。

雨夜

秋乾獲猛雨。回我吟心枯。坐靜聞虛籟。忘言對槁梧。少
思差近道。不武愧為儒。信手繙書冊。涼燈未可孤。
久遲樊山翁。不至悵然有賦。

戒行準擬荷生日。留滯何因到菊前。大鳥不蜚寧免怪。
伏龍欲起轉思眠。獨吟為減滄洲興。積痼難消白露天。
瞻部重遊應太息。大千秋色柳如煙。

九日陶然亭雨中宴集即席有賦

壺榼城南命侶傳。黃花隱約舊時秋。顏齡欲制還丹少。

往事休論舉白浮。一笠山門驚再到。萬弓葦海恣冥搜。
吾生淺醉微吟處。合在虛亭縹緲樓。

風雨如期循故事。隔宵浪喜見星河。同遊楚客人能賦。
隨意陶詩我自哦。佳節相尋有今日。醉鄉孤往入無何。
落英墜露勤收拾。餐飲年來本不多。

壽鞠人相國六十

維山恒嶽水溟渤。地高氣厚巨人出。稷契許身豈其愚。
洪荒以來無此日。帝號去矣相位存。一壺千金那可失。

作壽詩難作相
國壽尤難汲弄

溫

其望重此樽

真字得頭身分出

真使得力量是

公應時須起海島九土山安民寧壹內定已足鎮百紛
扶此風雨漂搖室大勞山畔暗妖霧血灑外蛇交鬪處
波及慮有城門災折衝尚煩前席箸退食齋心坐小閣
菊開未肯稱初度憂國奉公衆所難萬流吐納襟抱寬
救世以身作席薦對人豁達露心肝至今舉國數黃髮
舊學齊仰殷甘盤壽公以言令公喜無取諛詞同祝史
惟期君子作邦基長繼臺萊賡樂只伯始八十歸休時
相從更飲菊潭水公有別墅在河南

沈觀齋

始雪

酌酒賞微雪。獨吟情寡歡。無山容我隱。與鶴漫言寒。前路仍飄泊。孤生孰控搏。一時須鬢白。突兀鏡中看。

賈睿熙母七十壽詩

林下風懷自古清。白頭恤緯不勝情。經幃女被宣文號。黨部兒高偉節名。每誦闕宮稱燕喜。故應中壘傳賢明。冬殘留得春暉駐。遶屋寒梅綻九英。

題白鳳館書畫助賑圖

一滴楊枝大士心。人天窈窕出雙林。探懷自有生枯管。化作閻浮徧地金。

贊揚功德瓶居士。

圖中有翁常熟相國題語

湛湛兒睛墨有神。若

語南樓輸一事。未分筆潤與飢人。

沈觀齋

大集三本去曉廿六日讀竟一卷餘二本以為咄嗟可
了不圖今年世事州紛略無好懷茲事遂從園
東曉月十二日伯桓世語來告行始許以三日卒
業負報王之債在避無事校到向之書自局其閑
極其日力復竟此本情農治田疲牛結軌自非
鳩危催耕鞭笞促駕鮮有效矣或曰讀惡詩苦讀
好詩甜子既盛稱泊園之詩何又憚於一讀曰錦
箋珠字一篇兩篇對客披吟篝燈酬和此樂境

溫

沈

也奉教百善好待教列在前茅源一手指少好在
何處則苦境矣雖然校閱將後正撒椀回甘之
時至於卒業則中處惶惶矣或曰子見老嫗
畏子何不避之而月苦若是曰今世稱詩如
洵者能予幾人讀洵園之詩而能批卻等
者沒有幾人此園不能放子者也夫抵君詩亦
有數病白素少取以示眼力之為著園如針孔
六十卷中難得一二園此最可惡子有人備

沈觀齋

於所嘗其詩以家好則取不合我意此雖好勿取
更有人好安置之不論香檮珉疵以示直諒此善
人皆不可與言詩至於借觀人稿屢索不還悍然
索以遠夫者更無足論矣七十老翁閱人書經
子多胸中所積瘕由尤多何足交露 洵園

勿我笑也

丁巳嘉平十三日懷下後

才相摩而大生人相摩而智出惟詩也於有迹
緣而後生迹事窮中磊塊皆聲中金石也

溫

棘栗蓬金剛圈皆以逆得之順流而下乃
多物也 六月十三日 極讀

沈

沈觀齋

沈觀齋

